

Ўзбекистон Республикаси Президенти ҳузуридаги
Давлат бошқаруви академияси

ЖАМИЯТ ВА БОШҚАРУВ

**2021
№ 1 (91)**

1997 йилдан нашр этилади

Тошкент – 2021

ЖАМИЯТ ВА БОШҚАРУВ

Бош муҳаррир:
Бекмуродов А.Ш.

Таҳрир ҳайъати:
Азизов Х.Т.
Алимов Б.Б.
Саттаров С.А.
Ҳусанов О.Т.
Бекмуродов М.Б.
Раҳимова Д.Н.
Жалилов А.Т.
Юлдашев А.Э.
Хамидулин М.Б.
Ҳайитов Х.С.
Ҳайитов О.Э.
Исламқулов А.Х.
Холов А.Ҳ.
Чўтпўлатов М.Ч.
Қаюмова К.Н.

Таҳририят:
Масъул муҳаррир:
Бахранов Л.Э.

Муҳаррирлар:
Кабулова Д.Б.
Абдуллаева Г.Л.

Мусахҳиҳлар:
Абдуллаева М.С.
Шорихсиева А.Ғ.

Техник муҳаррир:
Юлдашев А.Ж.

Муассис:
Ўзбекистон Республикаси
Президенти ҳузуридаги
Давлат бошқаруви академияси

Журнал Ўзбекистон Республикаси
Вазирлар Маҳкамаси ҳузуридаги
Олий аттестация комиссияси томонидан
ижтимоий-иқтисодий фанлар йўналиши бўйича олиб борилаётган
тадқиқотларнинг натижалари асосида
ёзиладиган илмий мақолаларни
нашр этишга тавсия этилган оммавий
ахборот воситалари жумласига
киритилган.

Таҳририят манзили:
100066, Тошкент,
Ислом Каримов кўчаси, 45
Мурожаат учун телефон:
71-232-60-76, 71-232-60-77

E-mail: jurnal95@mail.ru

Буюртма:

ISSN 2181-7340

Журнал Ўзбекистон Республикаси Матбуот ва ахборот агентлиги томонидан 2013 йил 10 апрелда
0201-сон билан рўйхатга олинган.

Мақолаларда келтирилган иқтибослар, далиллар, рақамлар ва маълумотларнинг аниқлиги учун
муаллифлар жавобгар. Журналдан кўчириб босилганда манба кўрсатилиши шарт.

Босишга 14.05.2021 йилда рухсат этилди. Бичими 60x84 1/8. Нашр босма табоғи 12.3. Адади 70 нусха.
Ўзбекистон Республикаси Президенти ҳузуридаги Давлат бошқаруви академияси босмаҳонасида чоп этилди.
Гувоҳнома №10-3723. 21.06.2016 й. Тошкент, Ислом Каримов кўчаси, 45.

- 117 Бектош БЕРДИЕВ. Профессионал бошқарув кадрларини тайёрлаш: муаммолар ва вазифалар
- 122 Иқболжон ОДАШЕВ. Глобал пандемия даврида юзага келиши мумкин бўлган жамоавий конфликтларни ҳал этишда раҳбар фазилатлари
- Иқтисодий соҳани ривожлантириш истиқболлари /
Перспективы развития экономического сектора /
Perspectives for the development of the economic sector
- 128 Элнорахон МЎМИНОВА. Миллий иқтисодиёт тармоқларида блокчейн технологияларини қўллаш имкониятлари
- 135 Собиржон ҚОЗОҚОВ. Ислохотлар шароитида тадбиркорлик фаолиятини давлат томонидан қўллаб-қувватлашнинг ижтимоий омиллари
- 140 Жасур ШАМСИЕВ. Ёқилги-энергетика корхоналарини бошқариш тизимидаги ислохотлар
- 144 Тоштемир БЕРДИЕВ. Самарали корпоратив бошқарувнинг компаниялар инвестицион жозибдорлигини оширишдаги роли
- Жамият бошқарувини такомиллаштириш масалалари /
Вопросы совершенствования общественного управления /
Issues of improving Public Administration
- 150 Улуғбек АЗИЗОВ, Нуриддин ХОЛИЯРОВ. Демографик вазият ўзгаришининг ижтимоий-иқтисодий ҳавфсизликка таъсири
- 158 Хуршид МИРЗАҲМЕДОВ. Ёшларда онлайнлашув маданияти
- 163 Шавкат АСАДОВ. Ўзбекистон Республикасида маҳалла институтини такомиллаштиришнинг устувор йўналишлари
- Бошқарувда рақамли технологиялар /
Цифровые технологии в менеджменте /
Digital technologies in management
- 170 Акбар МАҲМУДОВ, Элёр ПРИМОВ. Фармацевтика соҳасидаги акциядорлик жамиятлари фаолиятига рақамли бошқарувни жорий этиш масалалари
- 176 Абдуҳаким ЮЛДАШЕВ. ERP-тизими орқали корхона инновацион бошқариш
- 183 Умида АБДУРАҲМОНОВА (СУЛТАНОВА). Рақамли дипломатияга асосланган халқаро муносабатларни ривожлантиришнинг устувор йўналишлари
- Ўзбекистон ва жаҳон ҳамжамияти /
Узбекистан и мировое сообщество /
Uzbekistan and the World Community
- 188 Юлдуз МАХМАСОБИРОВА. Региональные вопросы в развитии сотрудничества между Узбекистаном и Французской Республикой
- 195 Мансур ЮНУСОВ. Халқаро майдонда Ўзбекистон имижини кенг тарғиб қилиш масалалари
- 202 Муроджон МУСТОФАЕВ. Янги халқаро ташкилотта аъзолик: янги ташаббуслар ва истиқбол
- 209 Академия ҳаётидан / Из жизни академии / Academy life

Собиржон ҚОЗОҚОВ,
Наманган давлат университети
мустақил тадқиқотчиси

ИСЛОҲОТЛАР ШАРОИТИДА ТАДБИРКОРЛИК ФАОЛИЯТИНИ ДАВЛАТ ТОМОНИДАН ҚўЛЛАБ-ҚУВВАТЛАШНИНГ ИЖТИМОЙ ОМИЛЛАРИ

Ислохотлар шароитида тадбиркорлик фаолиятини ташкил этиш ва уни ривожлантиришда давлат муҳим ўрин эгаллайди. Шунинг учун ислохотлар шароитида тадбиркорлик фаолиятини қўллаб-қувватлаш ҳар бир давлатнинг олдида турган муҳим вазифалардан бири ҳисобланади. Чунки тадбиркорлик фаолияти бир томонлама ижтимоий муносабатларни ўз ичига олмасдан, жамиятдаги турли муносабатлар, яъни шахслараро, гуруҳлараро, институтлараро муносабатларни ҳам ўз ичига қамраб олади. Шу сабабдан, бозор муносабатлари амалда бўлган ҳар бир давлатда тадбиркорлик фаолияти жамият аъзоларининг асосий даромад манбаи ҳисобланади ва ҳозирги кундаги ижтимоий муаммолардан бири бўлган ишсизлик муаммосини ҳал этишга кўмаклашади. Яъни, аҳолини ўзини ўзи банд этишининг муҳим омили сифатида намоён бўлади. Шунинг учун ҳам тадбиркорлик фаолиятининг давлат томонидан қўллаб-қувватланиши доирасида илмий изланишлар олиб бориш белгиланган. Тадқиқотдан кўзланган мақсад Ўзбекистонда тадбиркорлик фаолиятини давлат томонидан қўллаб-қувватлашнинг ижтимоий омилларини илмий таҳлил этиш ҳисобланади.

Тадбиркорлик фаолиятини давлат томонидан қўллаб-қувватлашнинг ижтимоий омилларини ўрганишнинг долзарблиги қатор объектив сабаблар билан характерланади. Биринчидан, мазкур муаммонинг Ўзбекистон ҳудудида социология фани доирасида кам ўрганилганлиги тадбиркорлик фаолиятини тадқиқ этишга чорлайди. Чунки тадбиркорлик фаолиятининг социология фани доирасида ўрганилиши вужудга келиши мумкин бўлган ижтимоий муаммоларни олдиндан ҳал этиши мумкин.

Иккинчидан, тадқиқот натижалари Ўзбекистондаги тадбиркорлик фаолиятини давлат томонидан қўллаб-қувватлашда қўшимча чора-тадбирлар ишлаб чиқиш учун назарий ва амалий асос бўлиб хизмат қилади. Учинчидан, изланиш доирасида тадбиркорлик фаолиятини давлат томонидан қўллаб-қувватланишини ўрганиш, моҳиятини таҳлил қилиш мамлакатимизда амалга оширилаётган ислохотлар даврида ижтимоий-иқтисодий жараёнларнинг истиқболли йўналишларини белгилаш имконини беради.

Мамлакатимизда мустақиллик йилларида тадбиркорлик фаолиятини ташкил этиш ва уни ривожлантириш давлат сиёсати даражасига кўтарилди. Чунки бозор муносабатлари шароитида амалга оширилаётган ислохотларнинг бош мақсади тадбиркорлик фаолиятини ташкил этишга қаратилган бўлиб, у давлат сиёсати даражасига олиб чиқилди. Биз буни Президент Шавкат Мирзиёевнинг қуйидаги нутқларида ҳам кўришимиз мумкин: "Бизнинг бош мақсадимиз – тадбиркорликни ривожлантиришни рағбатлантириш учун энг қулай шарт-шароитлар яратишни таъминлашдир. Бизнес билан шуғулланаётган ҳар кишида давлат томонидан қўллаб-қувватланишига астойдил ишонч бўлиши шарт" [1, 25]. Бу орқали мамлакатимизда фаолият юритаётган тадбиркорларнинг давлат сиёсатига ва эртанги кунига бўлган ишончи ортади. Айниқса, тадбиркор шахсда эртанги кунга бўлган ишонч бўлиши шарт. Чунки тадбиркор шахсда қачонки, эртанги кунига ишончи бўлса, у фаолиятини инновацион ғоялар билан бойитади. Бу эса, унинг фаолиятининг ривожланишини таъминлаб беради.

Ривожланган хорижий давлатларда ҳам тадбиркорлик фаолиятини давлат томони-

дан қўллаб-қувватлаш институтини шакллантириш жараёни кичик ва ўрта бизнеснинг ривожланиши ва унинг иқтисодий ҳамда ижтимоий ролининг ошиши иқтисодиётдаги инқирозли ҳодисалар билан боғлиқ. Тадбиркорлик фаолиятини қўллаб-қувватлаш сиёсатининг дастлабки асосларидан бири Ж.М. Кейнс томонидан таклиф қилинган. Бунда у фақат кичик ва ўрта бизнесни эмас, балки, умуман, тадбиркорлик фаолиятини қўллаб-қувватлашни назарда тутди. Унинг фикрига кўра, давлат тартибга солишнинг турли усуллари ва воситаларидан фойдаланган ҳолда инвестиция ва истеъмолчилар фаолиятига таъсир кўрсатиши керак.

У шундай деб ёзган эди: "... истеъмол қилишга мойиллик ва инвестицияларни жалб қилишни рағбатлантиришни мувофиқлаштириш вазифаси билан боғлиқ ҳолда ҳукумат функцияларининг кенгайиши мавжуд иқтисодий шакллarning тўлиқ йўқ қилинишига йўл қўймасликнинг мумкин бўлган ягона воситаси ва шахсий ташаббуснинг муваффақиятли ишлаши учун шарт" [2, 338].

Шунингдек, мутахассисларнинг фикрича, Россиянинг кичик ва ўрта бизнесни давлат томонидан қўллаб-қувватлаш тизимининг операцион самардорлиги паст деб баҳоланмоқда. Жумладан, "ОПОРА России" президенти С.Р. Борисовга берган интервьюсида шундай деди: "... тадбиркорлар банкка келганда кўрган нарсалар кўпинча ҳукумат айтганларидан фарқ қилади. Кичик ва ўрта бизнеснинг аксарият қисми учун кредитлар ҳали ҳам мавжуд эмас" [3]. Бу Россия Федерациясида тадбиркорлик фаолиятини давлат томонидан қўллаб-қувватлашнинг институционал асослари мукамал ишлаб чиқилмаганлигини англатади.

Шу сабабдан, мамлакатимизда тадбиркорлик фаолиятини давлат томонидан қўллаб-қувватлашда, энг аввало, институционал асослар яратилди. Масалан: Ўзбекистон Республикаси Президентининг 2017 йил 7 февралдаги "Ўзбекистон Республикасини янада ривожлантириш бўйича Харакатлар стратегияси тўғрисида"ги ПФ-4947-

сонли, 2018 йил 24 ноябрдаги "Тадбиркорлик ва инновациялар соҳасидаги лойиҳаларни молиялаштириш механизмларини такомиллаштириш бўйича қўшимча чоратадбирлар тўғрисида"ги ПФ-5583-сонли фармонлари ва бошқа меъёрий-ҳуқуқий ҳужжатлар қабул қилинди. Бунинг натижасида, Ўзбекистонда хусусий тадбиркорлик фаолияти жамият иқтисодий ҳаётининг муҳим сектори ҳисобланмоқда. Буни биз ҳозирги кунда республикамызда 525 мингдан ортиқ тадбиркорлик субъектлари фаолият юритаётганлигидан кўришимиз мумкин. Мамлакатимизда ишлаб чиқариш секторининг асосий қисми тадбиркорлик фаолияти секторига тўғри келаётганлигини куйидаги натижалар ҳам кўрсатиб турибди. Тадбиркорлик фаолиятининг ялпи ички маҳсулотдаги улуши 60 фоизга етди. Аҳолининг 78 фоизи айнан шу тармоқда меҳнат қилиб, мамлакатимиз ривожига муносиб ҳисса қўшмоқда [4, 68]. Шунингдек, мамлакатдаги саноат маҳсулотлари ҳажмининг учдан бирини, қишлоқ хўжалиги маҳсулотларининг 98 фоизини, инвестицияларнинг ярмини таъминламоқда. Худди шу кўрсаткич кўпгина вилоятларда 70-90 фоизни ташкил этмоқда [5].

Шунингдек, ислохотлар шароитида тадбиркорлик фаолиятининг давлат томонидан қўллаб-қувватланиши уларнинг фаоллигини оширади ва бу орқали жамиятда фаол тадбиркорлик фаолияти шаклланади. Ўзбекистон Республикаси Президенти Шавкат Мирзиёев "фаол тадбиркор" тушунчасига куйидагича таъриф берган эди: "Фаол тадбиркор деганда, биз рақобатбардош маҳсулот ишлаб чиқаришга қодир, энг муҳими, янги иш ўринлари яратиб, нафақат ўзини ва оиласини боқадиган, балки бутун жамиятга наф келтирадиган ишбилармон инсонларни тушунамыз" [6, 87].

Мамлакатимизда тадбиркорлик фаолиятини ташкил этиш ва уни ривожлантириш мақсадида давлат дастурлари қабул қилинмоқда. Давлат дастурлари тадбиркорлик фаолиятини қўллаб-қувватлаш мақсадида қабул қилинган бўлиб, унга кўра, ҳар бир тадбиркор давлат назоратидан четда қолмайди. Чунки мамлакатимизда қабул қилинган "Ҳар бир оила - тадбиркор" дастури доирасида ўз бизнесини бошлаётган

оилаларга 5,9 триллион сўм кредит ажратилди [7]. Бу мамлакатимиздаги ҳар бир оилада тадбиркорлик муҳитини шакллантириш учун муҳим аҳамиятга эгадир. Айниқса, давлат томонидан ишлаб чиқилган дастур асосида ажратилган кредит маблағлари имтиёзга эга бўлиб, унга кўра, кредитлар аҳоли ва тадбиркорлик субъектларига йиллик 8 фоиз ставкада, 3-6 ойгача бўлган имтиёзли давр билан 3 йилдан кўп бўлмаган муддатга ажратилмоқда [8]. Бу ҳам ислоҳотлар шароитида тадбиркорлик фаолиятини бошлаётган кишиларга давлат томонидан қўллаб-қувватлашни аниқлатади. Бу орқали ўз фаолиятини энди бошлаётган ҳар бир тадбиркор давлат томонидан қўллаб-қувватланаётганлигини аниқлаб беради.

Шунингдек, тадбиркорлик фаолиятини қўллаб-қувватлашнинг яна бир омили давлат томонидан амалга оширилаётган солиқ сиёсати ҳисобланади. Шу сабабдан, мамлакатимиздаги ислоҳотлар шароитида давлат томонидан янги солиқ сиёсатини амалга ошириш бошланди. 2019 йил давомида мамлакатимиздаги янги солиқ сиёсати доирасида иш ҳақига солиқ юки 1,5 баробар камайтирилди. Натижада, расмий секторда ишлаётганлар сони йил давомида 500 мингга кўпайди [7]. Бу эса, мамлакатимизда яширин иқтисодиётга қарши кураш жараёнларида муҳим аҳамиятга эга ҳисобланди. Чунки бу ҳозирги кундаги меҳнатга лаёқатли аҳолини иш билан банд этиш муаммосига жавоб топишнинг энг қулай механизми ҳисобланади.

2019 йил 1 октябрдан қўшилган қиймат солиғи ставкаси 20 фоиздан 15 фоизга туширилди. Бунинг ҳисобидан ўтган йили солиқ тўловчилар ихтиёрида 2 триллион сўм қолди [7]. 2019 йилнинг ўзида тадбиркорлар ихтиёрида шунча маблағнинг қолиши, албатта, уларга ўз бизнесларини ривожлантириш учун жуда катта қўшимча имкониятлар яратди.

Мамлакатимизда тадбиркорлик фаолиятига доир давлат томонидан амалга оширилаётган ислоҳотларимиз натижасида 2019 йилда 93 мингга ёки 2018 йилга нисбатан қарийб 2 баробар кўп янги тадбиркорлик субъектлари ташкил этилди [7]. Бундан

кўриниб турибдики, мамлакатда амалга оширилаётган ислоҳотлар ўзининг ижобий самарасини бермоқда. Буни биз Ўзбекистонни жаҳон ҳамжамиятида ўз ўрнига эга бўлиб бораётганлигида ҳам кўришимиз мумкин. Масалан, Жаҳон банкининг 2019 йилги "Бизнес юритиш" рейтингига 7 поғона кўтарилиб, бизнесни рўйхатга олиш кўрсаткичи бўйича дунёнинг 190 та давлати орасида 8-ўринни эгалладик ва энг яхши ислоҳотчи давлатлар қаторидан жой олдик [7]. Бу ҳам мамлакатимизда амалга оширилаётган ислоҳотларни жаҳон ҳамжамияти томонидан юқори баҳоланаётганини аниқлатади ва бу мамлакатимизда инвестиция муҳитининг юқори даражада эканлигидан дарак беради.

Бундан ташқари, мамлакатимиздаги ислоҳотлар шароитида тадбиркорлик фаолияти аҳоли ўртасида камбағалликни қисқартириш учун хизмат қилади. Чунки ҳозирги кунда тадбиркорлик фаолияти мамлакат иқтисодий ҳаётини юксалтириш учун хизмат қилмоқда. Шунинг учун мамлакатимиз Президенти Шавкат Мирзиёев тадбиркорлик фаолиятининг иқтисодий ҳаётимизда тутган ўрни тўғрисида қуйидагича фикр билдирган эди: "Мамлакатимиз иқтисодиётини ривожлантириш, халқимизнинг фаровон турмушини таъминлашда муҳим ўрин тутаётган тадбиркорликни қўллаб-қувватлаш масаласи давлат сиёсатининг стратегик йўналишларидан биридир" [4, 201].

Юқоридагилардан хулоса қилиб шуни айтишимиз мумкинки, мамлакатимизда ислоҳотлар шароитида тадбиркорлик фаолиятини қўллаб-қувватлашга алоҳида эътибор берилмоқда. Бу тадбиркорлик фаолияти билан шуғулланаётган ижтимоий қатлам вакиллариининг ўзига бўлган ишончи ошиши билан биргаликда, уларда мулкдорлик ҳиссининг ортишига ҳам олиб келади. Чунки тадбиркор шахс унинг амалга ошираётган фаолияти давлат томонидан қўллаб-қувватланаётганини тушуниб етсагина, у ўз фаолиятини давлат томонидан яратиб берилаётган имтиёزلардан фойдаланган ҳолда инновацион гоёлар билан бойитиш имконига эга бўлади.

Ҳозирги кунда мамлакатимизда амалга оширилаётган ислоҳотларнинг бош мақса-

ди ҳар бир оилада тадбиркор шахсни шакллантиришдан иборатдир. Бу эса, мамлакат аҳолисини иш билан таъминлаб, улар ўртасидаги камбағалликнинг қисқаришига олиб келади. Чунки, оилавий тадбиркорлик фаолияти жамият аъзоларини ўзини ўзи банд этишининг энг қулай усули ҳисобланади. Айниқса, мамлакатимизда аҳоли ўртасида камбағалликни қисқартириш учун оилавий тадбиркорлик фаолиятини ташкил этиш ва уни ривожлантиришга эътибор кучаймоқда. Чунки оилавий тадбиркорлик фаолиятининг халқимиз миллий менталитетига хос жиҳатлари кўп бўлиб, унинг ўзига хос хусусиятлари қуйидагиларда намоён бўлади:

- ўзаро муносабатлар оила аъзоларини қамраб олиши, ота-бола, ака-ука ва бошқалар. Улар ўртасидаги муносабатларда низоларнинг вужудга келмаслиги, яъни бу муносабатлар фаолиятни бошлашда аввал ҳам мавжуд бўлганлиги ва фаолиятни ўзаро маслаҳатлашган ҳолда ташкил этилганлиги;

- фаолиятнинг бу кўриниши миллий ҳунармандчиликка асосланиб ташкил этилиши. Бу билан халқимизнинг бир неча асрлар мобайнида сақланиб келаётган миллий кадриятларини келажак авлодга етказиб бериш имкони туғилади. Миллий ҳунармандчиликнинг ижтимоий тизимдаги мавқеидан келиб чиқиб, бу фаолият билан банд бўлган жамият аъзоларига хусусий тадбиркор мақомининг берилиши;

- оилавий тадбиркорлик фаолияти билан шуғулланувчилар фаолиятини ташкил этиш учун кўп маблағ талаб этилмаслиги ва фаолиятнинг бу кўринишини вазиятдан келиб чиқиб, тез ўзгартириш имкониятининг мавжудлиги;

- даромаднинг асосий қисми оила бюджетиде сақланиб қолиши, яъни оила аъзоларининг барчаси оила бюджетини кўтариш учун бир хилда ҳаракат қилади;

- оилавий тадбиркорлик фаолиятининг "Устоз-шогирд" усулида ташкил этилиши ва бошқалар.

Мамлакатимизда тадбиркорлар сони қанча кўп бўлса, республикамиз иқтисодий кўрсаткичлари билан биргаликда, аҳоли фаровонлиги шунча яхши кўрсаткичларга эга бўлади. Шу мақсадда, мамла-

катимизда истиқомат қилувчи ҳар бир оилада тадбиркор шахсни вояга етказиш учун давлат томонидан ислохотлар амалга оширилмоқда. Бу жамиятда юзага келиши мумкин бўлган ижтимоий муаммоларнинг ечимини топиш билан биргаликда, мамлакатимизнинг жаҳон ҳамжамиятида ўз ўрнига эга бўлишига хизмат қилувчи муҳим омиллардан бири ҳисобланади.

Манба ва адабиётлар

1. *Миллий тикланишдан миллий юксалиш сари. Ўзбекистон Республикаси Президенти Шавкат Мирзиёевнинг асарлари ва маърузаларидан олинган фикрлар.* - Т.: "Ёшлар" нашриёт уйи, 2019. - 25 б.

2. *Кейнс Дж. М. Общая теория занятости, процента и денег // Избранное / вступ. ст. Н.А. Макашевой.* - М.: "Эксмо", 2008. - С. 338.

3. *Интервью с президентом "ОПОРЫ России" С.Р. Борисовым.*

URL:<http://www.ossfb.ru/osnews/5339/>

4. *Мирзиёев Ш.М. Миллий тараққиёт йўлимизни қатъият билан давом эттириб, янги босқичга кўтарамиз.* - Т.: "Ўзбекистон", 2018. - 68 б.

5. *Ўзбекистон Республикаси Президенти Шавкат Мирзиёевнинг Олий Мажлисга Мурожаатномаси // "Халқ сўзи" газетаси. 2018 йил 29 декабрь.*

6. *Мирзиёев Ш.М. Халқимизнинг розилиги бизнинг фаолиятимизга берилган энг олий баҳодир.* - Т.: "Ўзбекистон", 2018. - 87 б.

7. *Ўзбекистон Республикаси Президенти Шавкат Мирзиёевнинг Олий Мажлисга Мурожаатномаси.* <https://uza.uz/uz/politics/zbekiston-respublikasi-prezidenti-shavkat-mirziyevning-oliy-25-01-2020>

8. *"Аҳоли ва тадбиркорларга йиллик 8% ставкада имтиёзли кредитлар ажратилди" 11.03.2019 йил.* <https://www.spot.uz>

Ислохотлар шаронтида тадбиркорлик фаолиятини давлат томонидан қўллаб-қувватлашнинг ижтимоий омиллари

Собиржон Қозоқов,
Наманган давлат университети
мустақил тадқиқотчиси

Аннотация: мақолада Ўзбекистонда тадбиркорлик фаолиятининг давлат томонидан қўллаб-қувватланиши таҳлил қилинган. Муаллиф тадбиркорлик фаолиятини ривожлантиришда давлат томонидан яратиб берилган имкониятлар ва амалга оширилган ислохотлар шароитида тадбиркорликнинг ижтимоий-иқтисодий йўналишларини тадқиқ қилган. Шунингдек, оилавий тадбиркорлик фаолиятига алоҳида эътибор берилган бўлиб, давлат дастурларида акс этишининг ижтимоий омиллари ёритилган. Тадбиркорлик фаолияти жамият тараққиётига инновацияларни қўллаш орқали ҳисса қўшиши ва бу орқали экспорт салоҳиятини ошириши омиллари очиб берилган.

Калит сўзлар: ислохотлар, тадбиркорлик, ижтимоий муносабатлар, шахслараро муносабатлар, истеъмолчи, давлат, жамият, шахс, даромад, имтиёзли кредит, оила, оилавий тадбиркорлик.

Социальные факторы государственной поддержки предпринимательской деятельности в условиях реформ

Собиржон Козоков,

независимый исследователь

Наманганского государственного университета

Аннотация: в статье анализируется государственная поддержка предпринимательства в Узбекистане. Автор исследует возможности, созданные для развития предпринимательства государством, и социально-экономические аспекты предпринимательства в контексте проводимых реформ.

Особое внимание уделяется семейному бизнесу, социальные факторы которого отражены в государственных программах. Также освещается вклад предпринимательства в развитие общества посредством внедрения инноваций и, как следствие, факторы увеличения экспортного потенциала.

Ключевые слова: реформа, предпринимательство, социальные отношения, межличностные отношения, потребитель, государство, общество, человек, доход, льготный заем, семья, семейный бизнес.

Social factors of state support for the entrepreneurship in the context of reforms

Sobirjon Kozokov,

an independent researcher

Namangan State University

Abstract: the article analyzes the state support of entrepreneurship in Uzbekistan. In the article, the author examines the objective reasons for the role of the state in the development of entrepreneurship, the opportunities created for them by the state, and the socio-economic aspects of entrepreneurship in the context of ongoing reforms. Particular attention is paid to family businesses, the social factors of which are reflected in government programs. The article also highlights the contribution of entrepreneurship to the development of society through the introduction of innovations and, as a result, the factors of increasing export potential.

Key words: reform, entrepreneurship, social relations, interpersonal relations, consumer, state, society, person, income, soft loans, family, family business.